



Broj: 11-03-26-1023-9/19  
Sarajevo: 09.04.2019.godine

Na osnovu člana 100 stav (3) Zakona o javnim nabavkama BiH ("Službeni glasnik BiH" broj: 39/14), u postupku javne nabavke usluga pripreme, snimanja i produkcija TV emisija, video priloga i TV spotova za potrebe MO i OS BiH 2018. godinu, rješavajući po žalbi zainteresiranog ponuđača "TIM System" d.o.o. Sarajevo, a na preporuku stručne službe, *donosim*

### **R J E Š E N J E**

1. **Djelimično se usvaja** žalba zainteresiranog ponuđača "TIM System" d.o.o. Sarajevo od 04.04.2019. godine izjavljena na Poziv za dostavu ponuda za nabavku usluga Aneks II dio C ZJN, MO BiH broj:11-03-26-1023-4/19 za nabavku usluga Pripreme, snimanja i produkcija TV emisija, video priloga i TV spotova o MO i OS BiH za potrebe Kancelarije za odnose sa javnošću u MO BiH za 2019. godinu.
2. Ovim Rješenjem **mijenja se i dopunjuje** Poziv za dostavu ponuda za nabavku usluga Aneks II dio C ZJN MO BiH broj:11-03-26-1023-4/19 na način da:
  - a) U tački 7.4.1. Poziva za učešće tačka a) mijenja se u tačku e).
  - b) U tački 7.4.1. Poziva za učešće tačka b) mijenja se u tačku f).
  - c) U tački 7.4.1. Poziva za učešće dodaje se nova tačka a) koja glasi:

„Uspješno iskustvo po realizaciji najmanje 1 (jednog) ugovora u predhodnih tri (3) godine (2016. god. i/ili 2017.god. i/ili 2018.god.), koji se odnosi na predmetnu nabavku, a što podrazumijeva iskustvo u realizaciji sljedećih ugovora:

    - usluga pripreme, snimanja i produkcija TV emisija, video priloga i TV spotova iz odbrambeno-sigurnosnog sektora.
  - d) U tački 7.4.2. Poziva za učešće dodaje se tačka a) koja glasi:
    - Spisak uspješno izvršenih ugovora o pružanju usluga koja je predmet nabavke u posljednje 3 (tri) godine (2016. god. i/ili 2017.god. i/ili 2018.god.), ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Uz spisak izvršenih ugovora ponuđač je dužan dostaviti potvrde koje su izdali primaoci usluga, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, **uz predložene dokaze o učinjenim pokušajima da se takve potvrde obezbijede;**
  - e) U Aneksu 11 Poziva za učešće, brišu se tačke A. 3. Referentna lista produkcijske kuće, B. 3. Referentna lista produkcijske kuće, C. 3. Referentna lista produkcijske kuće.
  - f) Tačka 8.3.2. Poziva za učešće mijenja se i glasi:

Koverta ili paket sa ponudom se dostavlja neposredno na Protokol ili putem pošte u zatvorenoj koverti ili paketu ovjerenoj pečatom na adresu: MINISTARSTVO ODBRANE BOSNE I HERCEGOVINE, ul. Hamdije Kreševljakovića br. 98, 71000 Sarajevo sa naznakom "PONUDA ZA NABAVKU USLUGA PRIPREME, SNIMANJA I PRODUKCIJA TV EMISIJA, VIDEO PRILOGA I TV SPOTOVA O MO I OS BiH ZA POTREBE KANCELARIJE ZA ODNOS SA JAVNOŠĆU U MO BiH BR:11-03-26-1023-4/19" i to najkasnije do **25.04.2019.** godine, do 12,00 sati, sa naznakom "NE OTVARAJ". (u gornjem desnom uglu koverta ponuđač će staviti svoj naziv i adresu). NAPOMENA: Ponuda ponuđača mora biti dostavljena do datuma i sata naznačenog u obavještenju o nabavci odnosno tenderskoj dokumentaciji i za ugovorni organ nije relevantno kada je ona poslata niti na koji način

g) Tačka 8.3.2. Poziva za učešće mijenja se i glasi:

Rok za otvaranje ponuda: **25.04.2019.** godine u 13:00 sati.

### ***Obrazloženje***

Na osnovu Poziva za dostavu ponuda za nabavku usluga Aneks II dio C ZJN MO BiH broj:11-03-26-1023-4/19 - Nabavka usluga pripreme, snimanja i produkcija TV emisija, video priloga i TV spotova o MO i OS BiH za potrebe Kancelarije za odnose sa javnošću u MO BiH, ( kod JRJN 79416000-3), pokrenute Odlukom MO BiH broj: 11-03-26-1023-3/19 od 25.03.2019. godine, nakon objavljivanja Tenderske dokumentacije broj:11-03-26-1023-4/19, zainteresirani ponuđač "TIM System" d.o.o. Sarajevo, izjavljuje žalbu.

Žalbu potencijalni ponuđač "TIM System" d.o.o. Sarajevo izjavljuje zbog kako navodi preferiranja jedne firme, u dijelu tehničke specifikacije iz Aneksa 11, u kojim je traženo: „*potrebno iskustvo produciranja programa iz odbrambeno-sigurnosnog sektora, kontinuirano, najmanje u trajanju od tri godine (MO i OS BiH, Ministarstva sigurnosti BiH, NATO, EUFOR, OSCE)*“.

Prije nego što se upustio u postupak utvrđivanja žalbenih navoda, ovaj organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na uslovljene pretpostavke i utvrdio da su ispunjeni uslovi za postupanje po istoj na način kako definišu odredbe pozitivnih propisa.

Nakon što su prednje pretpostavke preispitane, ovaj organ je ponovnim uvidom u Pozivu za dostavu ponuda i uz konsultaciju sa stručnom službom koja je dostavila specifikaciju, te analizom propisa, a u odnosu na žalbene navode i propisani zakonski postupak, utvrdio da je

**- žalba je djelimično osnovana.**

U pogledu žalbenog navoda da se preferira jedna firma u postavljenoj specifikaciji, evidentno je da se postavljani uslov ne može postaviti u Aneksu 11 kako je navedeno u Pozivu za učešće. Međutim suština postavljenog uslova u specifikaciji Aneksa 11, koji je postavljen od strane stručne službe ugovornog organa, trebalo je postaviti u dijelu tehničke i profesionalne sposobnosti Poziva za učešće, a kako je to definisano članom 50 ZJN.

Cijeneći navedeno ugovorni organ je na jasan i propisan način, ovim izmjenama postavio uslove kao dokaze tehničke i profesionalne sposobnosti u tačkama 7.4.1 odnosno 7.4.2. Poziva za učešće.

Iz navedenih razloga, a u skladu s članom 100 stav (3) ZJN, doneseno je Rješenje kao u dispozitivu.

**Pouka o pravnom lijeku:** Protiv ovog rješenja može se izjaviti žalba Uredu za razmatranje žalbi u roku od 5 (pet) dana od dana prijema rješenja. Žalba se podnosi putem Ministarstva odbrane Bosne i Hercegovine.

## MINISTRICA

### Dostaviti:

- "TIM System" d.o.o. Sarajevo  
fax:033/777-703
- Ured za odnose s javnošću (Web  
stranica)
- - a/a

Marina Pendeš